

NO. SOALAN: 42

**PEMBERITAHUAN PERTANYAAN BAGI JAWAB LISAN
DEWAN RAKYAT**

PERTANYAAN : LISAN

DARIPADA : TUAN JULIAN TAN KOK PING [STAMPIN]

TARIKH : 10 MAC 2015

RUJUKAN : 7695

SOALAN:

Tuan Julian Tan Kok Ping [Stampin] minta **MENTERI DALAM NEGERI** menyatakan jumlah serta jenis kes yang dikenakan siasatan atas *Sedition Act* setelah ia dikenalpasti baru-baru ini. Dalam senarai, kategorikan juga ahli politik serta aktivis yang akan disiasat mahupun sedang disiasat.

JAWAPAN:

Tuan Yang di-Pertua,

Kerajaan tidak pernah menyekat kebebasan rakyat untuk bersuara tetapi kebebasan bersuara itu bukanlah satu jaminan mutlak yang membenarkan sesiapa pun untuk memberikan kenyataan yang menyentuh sensitiviti dan menyinggung perasaan mana-mana individu, kaum atau agama. Ini kerana ianya mampu menjejaskan keharmonian dan kemakmuran yang kita kecapai selama ini lebih-lebih lagi negara kita merupakan sebuah negara yang terdiri daripada masyarakat yang berbilang kaum dan agama.

Berdasarkan rekod Polis DiRaja Malaysia sejak 1 Januari 2015 hingga 22 Februari 2015, terdapat 14 kes telah disiasat di bawah Akta Hasutan 1948. Majoriti individu-individu yang disiasat di bawah Akta ini adalah aktivis dan 2 orang ahli politik. Dalam tempoh ini, sebanyak 1kes hasutan berkaitan keagamaan, 1 kes berkaitan Sabah-Sarawak dan 7 kes hasutan berkaitan dengan lain-lain perkara.

Walau bagaimanapun, saya tidak bercadang untuk mendedahkan maklumat lanjut berkenaan kes-kes tersebut memandangkan ianya masih lagi dalam siasatan pihak Polis.